

Broj: 05-2256-9-3/22
Sarajevo, 13.09.2022. godine

Na osnovu člana 23. stav (1) tačka r) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačke n) i t) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), a na osnovu preporuke Komisije za nabavke iz Zapisnika o pregledu i ocjeni ponuda broj: 05-2256-8-3/22 od 12.09.2022. godine, direktor Agencije za bankarstvo Federacije BiH donosi

ODLUKU
o izboru najpovoljnijeg ponuđača u postupku nabavke usluga – Lot 3
Usluge mobilne telefonije

I

Prihvata se preporuka Komisije za provođenje postupka javne nabavke usluga iz Zapisnika o pregledu i ocjeni ponuda, broj: 05-2256-8-3/22 od 12.09.2022. godine i okvirni sporazum na period od dvije godine za nabavku usluga mobilne telefonije za potrebe Agencije za bankarstvo Federacije BiH dodjeljuje se ponuđaču „JP Hrvatske telekomunikacije“ d.d. Mostar.

II

Ukupna vrijednost okvirnog sporazuma iz tačke I. ove odluke, bez uračunatog poreza na dodanu vrijednost (PDV) iznosi 80.000,00 KM, što sa uračunatim PDV-om iznosi 93.600,00 KM.

III

Po sticanju uslova, ugovorni organ će s izabranim ponuđačem zaključiti okvirni sporazum na dvije godine, kojim će regulisati međusobna prava i obaveze.

IV

Ova Odluka bit će objavljena na internetskoj stranici Agencije za bankarstvo Federacije BiH www.fba.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

V

Za izvršenje ove odluke zadužuje se Odjel za opće i kadrovske poslove pri Sektoru zajedničkih funkcija.

VI

Ova Odluka stupa na snagu danom donošenja.

O b r a z l o ž e n j e

Odlukom o pokretanju postupka javne nabavke usluga broj: 05-2256/22 od 31.05.2022. godine, odobreno je provođenje postupka javne nabavke usluga fiksne IP telefonije i usluga mobilne telefonije za potrebe Agencije za bankarstvo Federacije BiH na period od dvije godine. Javna nabavka provedena je putem otvorenog postupka podijeljenog u tri Lot-a, a kao kriterij za dodjelu okvirnog sporazuma odabrana je najniža cijena prihvatljive ponude. U skladu sa članom 35. Zakona o javnim nabavkama, Obavještenje o nabavci broj: 3010-1-2-164-3-35/22 objavljeno je na Portalu javnih nabavki dana 22.06.2022. godine.

Posebnim Rješenjem ugovornog organa broj: 05-2256-2/22 od 15.07.2022. godine imenovana je Komisija za javne nabavke, kojim su definirane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda broj: 05-2256-8-3/22 od 12.09.2022. godine u kojem je konstatovano da su po predmetnom postupku nabavke za Lot 3 - Nabavka usluga mobilne telefonije blagovremeno dostavljene 3 (tri) ponude.

Na osnovu izvršene analize i ocjene dostavljenih ponuda u pogledu kvalifikacijskih i cjenovnih uslova javne nabavke, Komisija je utvrdila da su ponude ponuđača „BH Telecom“ d.d. Sarajevo, „Mtel“ a.d. Banja Luka i „JP Hrvatske telekomunikacije“ d.d. Mostar kvalifikovane i prihvatljive, te da su dostavljeni svi traženi dokazi propisani tenderskom dokumentacijom i na propisan način.

Komisija za javne nabavke je zakazala e-Aukciju za Lot 3 na dan 12.06.2022. godine u 11:00 sati, shodno članu 4. Pravilnika o uslovima i načinu korištenja e-Aukcije („Službeni glasnik BiH“, broj: 66/16) u trajanju od 10 (deset) minuta. U toku održavanja e-Aukcije, ponuđači su aktivno učestvovali u podnošenju novih cijena ponuda, te se konačno rangiranje ponuda nakon provedene e-Aukcije daje u sljedećoj tabeli:

| Redni broj | Ponuđač | Ukupna cijena, bez PDV-a |
|------------|--|--------------------------|
| 1. | „JP Hrvatske telekomunikacije“ d.d. Mostar | 32.550,00 KM |
| 2. | „BH Telecom“ d.d. Sarajevo | 32.600,00 KM |
| 3. | „Mtel“ a.d. Banja Luka | 40.100,00 KM |

Ukupna ponuđena cijena predmetnih usluga tj. ukupna cijena bez PDV-a (s uračunatim popustom) primjenjuje se u svrhu postizanja usporedivosti ponuda, odnosno njihovog vrednovanja za potrebe odabira najpovoljnijeg ponuđača, a okvirni sporazum se zaključuje na vrijednost predviđenu tenderskom dokumentacijom za Lot 3.

U postupku donošenja ove odluke posebno su cijenjene činjenice da je Komisija, pravilno i potpuno, izvršila ocjenu kvalifikovanosti navedenih ponuđača te pregled i ocjenu ponuda, u skladu s kriterijima iz tenderske dokumentacije.

U postupku ocjene provedenog postupka, ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uslova javne nabavke, pa je Komisija dala preporuku da se istom, saglasno članu 69. stav (1) tačka a) Zakona o javnim nabavkama, dodijeli okvirni sporazum na dvije godine u predmetnom postupku javne nabavke usluga za Lot 3.

Uvažavajući sve navedeno, primjenom člana 64. stav (1) tačka b), člana 70. stavovi (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članovima 97. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.


DIREKTOR
Jasmin Mahmuzić

Dostaviti:

- učesnicima u postupku;
- Sektoru zajedničkih funkcija;
- a.a.